



INSTITUTE FOR THE RESEARCH OF GENOCIDE
CANADA

23. februar, 2014

Kongres Bošnjaka Sjeverne Amerike i Institut za istraživanje genocida, Kanada pozivaju građane Bosne i Hercegovine, posebno u izgnanstvu, da iskoriste svoje građansko pravo i registruju se za oktobarske izbore u BiH. Političko bezbjednosna situacija u BiH, kojom se dovodi u pitanje i sama državnost BiH, više nego ikad do sada, govori o važnosti učešća na izborima i zahtijevanje od političkih stranaka da rade za državu BiH i njezine građane. U ime Bošnjaka iz Sjedinjenih Američkih Država i Kanade, od kojih su većina protjerani sa svojih vjekovnih ognjišta, žrtve genocida i etničkog čišćenja s teritorije RS entiteta, najviše smo zabrinuti o položaju Bošnjaka u ovom entitetu, kako povratnika tako i pravo svih građana nesprške nacionalnosti. Jedini način mijenjanja situacije na terenu u sadasnjoj konstelaciji odnosa, i u okviru Dejtonskog ustrojstva države BiH je putem izbora, na ovaj način bi se ukazala prilika da u građani ovom entitetu na taj način daju svoj doprinos za jedinstvenu i demokratsku BiH. Zbog toga smatramo od vitalnog nacionalnog interesa da se svi Bošnjaci uključe u inicijativu građanske koalicije “Prvi Mart” u implementaciji “zajedničke liste” kojom bi se osiguralo da opet imamo pro bosanske predstavnike u manjem entitetu.

Pozdravljamo inicijalne pregovore koje su započeli predstavnici političkih stranaka koje okupljaju povratnike, prognane i raseljene osobe na prostoru RS entiteta za Predstavnički Dom BiH i Narodnu Skupstinu RS-a. Također apelujemo na sve relevantne političke organizacije, kao i nevladine organizacije i akademske institucije da podrže stvaranje zajedničke liste i urade sve što je moguće da pomognu s registracijom Bošnjaka u manjem entitetu. Samo kandidati koji ne negiraju genocid i bore se za jedinstvenu državu BiH, podjednakih prava za sve njene građane, mogu biti na zajedničkoj listi. Vjerujemo da, u trenutnoj situaciji u kojoj se nalazi naša domovina, samo kroz izbore i glasanjem možemo promijeniti položaj bošnjaka u entitetu RS a samim tim i konačnu političku situaciju u BiH i ustavne reforme koje će s naše države skinut Daytonsku luđačku košulju. Biranjem pro-Bosanskih kandidata na zajedničkoj listi čiji konačni cilj je zaštita suvereniteta, teritorijalnog integriteta BiH te jačanje državnih, a ne entitetskih, institucija koje će biti u



INSTITUTE FOR THE RESEARCH OF GENOCIDE
CANADA

službi svih građana možemo donijeti dugoročne promjene. U protivnom, možemo očekivati iste rezultate, to jeste, da se u manjem entitetu neće ništa promijeniti za povratnike i prognanike, a rušenje države BiH i blokiranje njezinih institucija nastaviti.

Kongres Bošnjaka Sjeverne Amerike

Institut za istraživanje genocida, Kanada